



UNIVERSITÄTS-
BIBLIOTHEK
PADERBORN

Universitätsbibliothek Paderborn

Geschichte der geistlichen Stiftungen, der adlichen Familien, so wie der Städte und Burgen der Mark Brandenburg

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1843

CXXVII. Der Rath zu Perleberg kauft ein Viertel eines Rades in der Dammmühle daselbst, im Jahre 1416.

[urn:nbn:de:hbz:466:1-54314](https://nbn-resolving.org/urn:nbn:de:hbz:466:1-54314)

nach in den Czwelften Jare, des nehten Fritags nach Sant Laurentien tag, vnser Riche des vngri-
sehen etc. in dem funfvndczweintzigsten vnd des Romischen in dem Andern Jar.

Nach dem Originale des K. Geh. Kab. Archives 3, G. 3.

CXXVII. Der Rath zu Perleberg kauft ein Viertel eines Rades in der Dammühle daselbst,
im Jahre 1416.

Widlick zi allen luden, de dessen bryf zeen edder horen lezen, dat wy Radmanne der stad
perleberghe schuldech zynt van rechter witeker schult twintech marck zuluers der erleken wrouen
katherinen, arnd krekemans wedewen, vnser leuen medeborgherschen vnd eren rechten eruen
vor ere mollengud, alse vor en verndel enes rades der dammollen, belegen in desser zuluen stad
perleberg, dat wy hans vleffow vnd ghize becker borghermestere, Sabel rulow, hans
enghelen, Claves van bluten, hans sachow, hans mas, heyne teltzekow, peter tru-
renicht vude brugheman, Radmanne in desser erbenomeden stad, er rechte vnde redelken also af-
ghekoft hebben, to desser zuluen stad nud vnde vramen, vnde hebben in deme kope bescheyden, dat
wy vnde vnse nakomelinghe Radmanne desser erghenomeden stat dyt vorfcreuen ghelt moghen vnder
beholden vmme redelke rente twe vulle jar vnde darna en half jar vor vp to zeghende, wome dat zo
nicht lengher en gadget to hebbende. Dar wy vnde vnse nakomelynghe Radmanne desser stad er vor
gheuen scholen to rente to funte mycheles daghe io des iares ene marck zuluers vnde na den twen
jaren, wen dat ghelt zo nicht lengher wil stan laten katherina vorbenomed edder de Radmanne van
deme jare desser stad, de schal dat den anderen to vorne kundoghen en half jar vnde nach deme hal-
uen jare, alse dat vorkundeghet is, so scal de Rad desser vorbenomeden stad der vorbenomeden vru-
wen edder eren rechten eruen de twintech marck zuluers myd der rente nach der tyd bereyden an
ener summen vnde to ener tyd myd guden reden penninghen, alse hir, to perleberghe denne ghen-
ghe vnde gheue zynt, vor ene iewelke marck zuluers zo vele, alse hir ene weringhe is, sunder vor-
toch, hulperede edder arghelist. Des to tughe hebbe wy erbenomeden Radmannen to perleberghe
der suluen stad groteste Inghezeghel myd endracht vnde vulbort laten hanghen vor dessen apenen bryf,
de fcreuen vnde gheuen is na der bort cristi virteyn hundert jar darna in deme sesdeynden Jare, in
funte lucas daghe des hilghen ewangelisten.

Nach dem Originale im Besitz der Mühleninteressenten zu Perleberg.

CXXVIII. Schreiben des Rathes der Stadt Perleberg an den Rath zu Wismar und an die
zum Hansestage um Michaelis 1417 zu Wismar versammelten Sendboten.

Den erwerdighen Heren Radessendeboden der Stede der dndtschen Henze unde
den Erfamen Borgeren unde Radheren der Stad wismar, unsen ghunstigen vrunden, Unsen willeghen
denst to vorne unde wef wi gudes vormoghen. Erwerdighen ghunstigen Heren unde vrundes. So iuwe
Erfamheit uns ghescreuen hefft unde begheren, dat wy herman palinge en wech scholen laten unde
yn unfer Stad nicht lengher holden; So beghere wi iw to wetende, dat wy den nicht van uns eghe-